

է միշտ արեւելյան ուղղութեամբ: Նրա և նախորդ ճյուղավորութեան մեջ կազմե-
լած հովտով հոսում է Հաշունի (Չալգամի) գետակը, Բաղարչայի (այստեղ
Բարգուշատ կոչվող) գետի աջակողմյան օժանդակը Շուռնուխի խիտ անտառ-
ների մոտով: Նրա լանջերին դասավորված են Տանձավեր և Դավիթ Բեկ (Զեյ-
վա) գյուղերը:

Շրջանի մյուս գյուղերը տեղավորված են Ողջիի գետահովտի երկու լան-
ջերին, այն է՝ Քաջարանցը, Աթկըզը, Ողջին, Լեռնաձորը, Զրախորը և այլն և մի
3—4 կմ Աճանանի գետաբերանից՝ շրջանի վարչական կենտրոն՝ Կապան հան-
քերը: Մեղրու լեռնաբազուկի երկու ճյուղավորութիւնների և նրանց միջով վա-
զող Բասուտ գետի հովտի լանջերին՝ Շիշկերտը, Կեմանցը (Գյումանդ Ձ-րդը
կամ Թերիքնը կամ Ղաշլաղքենդը), Ծավը, Ն. Հանդը (Մեծ Հանդը), Սրաշենը,
Շիկահողը:

Գյուղերի շուրջը՝ անտառները խամհատված են և վարելահողերի վերած-
ված: Դարերի ընթացքում վարելուց լանջերին գոյացել են տեռասներ, որոնց
իրարից երբեմն բաժանում է նախկին անտառներից մնացած ծառերի և թփերի
երկար ու նեղ գիծը: Գյուղերն ամեն հարմարութիւն ունեն իրենց շենքերը ազատ
դասավորելու: Նույնիսկ լեռնային սեռերին հիմնված վերին վաշազան
և Բեխ գյուղերն օգտվում են նման հարմարութիւնից: Փայտի առատութիւնն
ազդել է այստեղի ժողովրդական ճարտարապետական ձևավորման վրա: Ամեն
տեղ աչքի է զարնում փայտե պատշգամբների երկարութիւնն ու ընդարձակու-
թիւնը: Տները ցրված են հաճախ իրարից շատ հեռու ընդհանրապես փոքր թե-
քում ունեցող սարալանջերին: Աղբյուրները բազմաթիվ են և դյուրին մատչելի:
Խնչպես Սիսիանում գետահովիտների ժայռոտ ու նեղ վերնամասերն են վտան-
գի ժամանակ բնակչության համար ապահով ապաստարան ծառայել, Կապանի
շրջանում նույնպիսի ապաստարան են տվել հնում խիտ անտառները:

Բնորոշ է թրքական բնակավայրերի տեղաբաշխումը: Թե՛ Սիսիանում և թե՛
Կապանում նրանք զետեղված են Բարգուշատի (Բերգուշտի) լեռնաբազուկների
հովիտների վերնամասերում, որտեղից զարնան սկսվելուն պես հեշտ է բարձ-
րանալ լեռնաբազուկի յայլաճէրը և ուր նույնպես հեշտ է ուշ աշնանը սարից
վերադառնալ: Նույնպես լեռնային արոտատեղերի մերձավորութիւնն է, որ ազ-
դել է Մեղրու (Մեղրի-Գյունեի) լեռների լանջերի ստորոտներին հաստատված
թրքական գյուղերի դասավորութեան վրա: Դրանցից մի քանիսը՝ Քիրս, Քու-
սուտ, Գեղի, այժմս էլ³ կրում են ձմեռանոցների բնույթ, որոնք հարմարեցրած
են տարվա մեջ մի կարճ ժամանակամիջոց բնակվելու համար— ղեկտեմբերի
սկզբներից մինչև մարտի սկզբները: Սակայն ձմեռանոցի տիպի բնակավայրերի
թիվը 1823 թ. հետո նշանավոր չափերով կրճատվել է: Մի հարյուրամյակի
ընթացքում նրանցից մի քանիսն, ամենաթույլերը, իրար հետ միացել են և այդ-
պիսով խոշորացվել: Մի մասն էլ հետզհետե բաժան-բաժան եղել և առանձին
ընտանիքներով ցրվել ուրիշների մեջ: Ավելի ամրացել են այն ձմեռանոցները,
որոնք անցել են հողամշակութեան և իրենց բնույթով դարձել են նստակյաց
տնտեսութեան մշտական բնակավայր: Այս փոփոխութիւնների հետևանքով է,
որ այժմյան Զանգեզուր գավառի բնակավայրերի ընդհանուր թիվը 1823 թ. հետ
համեմատած փոքրացել է: Կրճատումը տեղի է ունեցել ի հաշիվ ձմեռանոցների
թվի:

³ Այսինքն՝ 1942—1943 թթ. (ծան. խմբ.):